

Na sjednici Odbora direktora održanoj 16.12.2016. godine usvojeni su:

**OPŠTI USLOVI ZA OSIGURANJE PRAVNE ZAŠTITE
U VEZI SA UPOTREBOM MOTORNOG VOZILA**

UVODNE ODREDBE

Ovi uslovi primjenjuju se kod osiguranja pravne zaštite u vezi sa upotrebom motornog vozila i izrazi u njima imaju sledeće značenje:

1. osiguravač – osiguravajuće društvo;
2. ugovarač osiguranja – lice koje sa osiguravačem zaključuje ugovor o osiguranju;
3. osiguranik – lice čiji je imovinski interes osiguran;
4. saosigurana lica – lica na koja se proširuje osiguravajuće pokriće;
5. osigurani slučaj – događaj, posljedicom kojeg se stvara mogućnost ostvarivanja zahtjeva oštećenih za naknadu štete;
6. osigurana suma – iznos koji predstavlja gornju granicu obaveze osiguravača za svaki pojedinačni slučaj;
7. naknada iz osiguranja – iznos koji osiguravač isplaćuje po ugovoru o osiguranju;
8. polisa – isprava o ugovoru o osiguranju;
9. premija – iznos (cijena osiguranja) koji je ugovarač osiguranja dužan da plati osiguravajućem društvu;
10. osnovno osiguranje – osiguranje autoodgovornosti zaključeno kod Sava osiguranja AD Podgorica, na osnovu kojeg je zaključeno osiguranje;
11. osigurano vozilo - svako motorno vozilo za koje se zaključi osnovno osiguranje;

1. Član- OSIGURAVAJUĆE POKRIĆE

- (1). Ovo osiguranje, u obimu koji je određen ovim uslovima, pokriva:
 - 1). troškove zastupanja u krivičnim i prekršajnim postupcima koji se vode protiv osiguranika povodom saobraćajne nezgode, koja je nastala upotrebom osiguranog vozila, međutim, osiguranje ne pokriva novčane kazne izrečene u tim postupcima;
 - 2). troškove ostvarivanja građanskopravnih odštetnih zahtjeva na osnovu šteta nastalih u vezi saobraćajne nezgode usled upotrebe osiguranog vozila, a koje se odnose na tjelesne povrede, narušenje zdravlja ili smrti osiguranog lica, kao i na uništenje i oštećenje stvari osiguranika, i troškove pravne zaštite pred zahtjevima drugih lica za naknadom štete, nastale upotrebom osiguranog vozila.

2. Član- OSIGURANA LICA

- (1). Osigurana lica su: vlasnik vozila, ovlašćeni vozač vozila i putnici u osiguranom vozilu.

3. Član- OSIGURANA SUMA

- (1). Nezavisno od broja osiguranih lica u jednom osiguranom slučaju, gornja granica obaveze osiguravača je osigurana suma navedena u polisi.
- (2). Ako iz jednog osiguranog slučaja pravo na osiguravajuću zaštitu ima više osiguranika, a osigurana suma nije dovoljna za pokriće troškova njihove pravne zaštite, prava osiguranika prema osiguravaču srazmjerno se umanjuju.
- (3). Osigurana suma, navedena u polisi, važi za čitav period trajanja osiguranja, bez obzira na broj osiguranih slučajeva.

4. Član- OSIGURANI SLUČAJ

- (1). Osiguranim slučajem smatra se saobraćajna nezgoda u kojoj učestvuje osigurano vozilo, usled koje protiv osiguranika može biti pokrenut krivični ili prekršajni postupak ili iz koje osiguranik (pre)trpi štetu za koju ne odgovara lice koje je osigurano ovim osiguranjem, ili usled koje se prema osiguraniku postavljaju odštetni zahtjevi.

5. Član- NEOSIGURANE OPASNOSTI

- (1). Osiguravač ne pokriva troškove pravne zaštite koji nastaju:
 - 1). prilikom ostvarivanja međusobnih zahtjeva saosiguranih lica, prema osiguraniku, kao ni prema osiguravaču koji pokriva troškove odgovornosti navedenih lica;
 - 2). prilikom ostvarivanja zahtjeva iz drugih osiguravajućih ugovora;
 - 3). prilikom ostvarivanja zahtjeva zbog oštećenja tereta koji se za naknadu prevozi sa osiguranim vozilom;
 - 4). za osigurane slučajeve, koje je osiguranik prijavio osiguravaču, kada je prošlo više od godine dana od prestanka ugovora o osiguranju, osim ako ih nije mogao prijaviti zbog objektivnih razloga;
 - 5). usled događaja koji su posredno ili neposredno povezani s ratnim događajima, unutrašnjim nemirima i nasilničkim djelovanjima koji su posljedica demonstracija ili manifestacija;
 - 6). usled djelovanja nuklearne energije, nastale tokom prevoza nuklearnog materijala;
 - 7). zbog korišćenja vozila na sportskim priredbama za koja su bile izdate službene dozvole kod kojih je značajno da se dostigne najveća brzina, ili kod vožnji za vježbu.
- (2). Za povećanu opasnost se srazmjerno sa premijskim sistemom za osiguranje pravne zaštite u vezi sa upotrebom motornog vozila smatra posjedovanje i upotreba vozila:
 - 1). za vrijeme mobilizacije ili pobune u mirnodopsko vrijeme;
 - 2). pri učestvovanju u trkama, vožnjama u cilju vježbi ili drugim takmičenjima, za koja nijesu bile izdate službene dozvole;
 - 3). u zakup ili najam;
 - 4). za taksi službu;
 - 5). tokom testiranja;
 - 6). za moto skiring;
 - 7). prilikom prevoza opasnog tereta;
 - 8). pri prevozu drugog oštećenog vozila.

6. Član- GUBITAK PRAVA IZ OSIGURANJA

- (1). Osiguranik i ovlašćeni vozač motornog vozila gube svoja prava iz osiguranja:
- 1). ako je vozač vozilo upotrebljavao za drugačiju namjenu nego što je određena u ugovoru o osiguranju;
 - 2). ako vozač nema važeću vozačku dozvolu za kategoriju vozila kojim upravlja;
 - 3). ako je vozaču vozačka dozvola trajno ili privremeno oduzeta, ili je vozač predmet izvršenja kaznene ili bezbjedonosne mjere koja mu zabranjuje da upravlja vozilom određene vrste ili kategorije, ili bezbjedonosne mjere koja mu zabranjuje upotrebu inostrane vozačke dozvole na teritoriji Crne Gore, ili bezbjedonosna mjera povlačenja vozačke dozvole, ili kaznena mjera koja nalaže oduzimanje vozačke dozvole;
 - 4). ako vozač upravlja osiguranim motornim vozilom pod dejstvom alkohola, droga, psihoaktivnih lijekova ili drugih psihoaktivnih materija.
Smatra se da je vozač pod uticajem alkohola u sljedećim slučajevima:
 - a) ako je upravljao vozilom pod uticajem alkohola iznad zakonom odobrene granice;
 - b) ako bez obzira na količinu alkohola u krvi pokazuje znake alkoholisanog stanja;
 - c) ako je alko test pozitivan, a vozač se ne pobrine da se analizom krvi tačno odredi njegova alkoholisanost, osim ako uzimanje krvi ne ugrožava njegovo zdravlje (npr.hemofilija);
 - d) ako nakon saobraćajne nezgode izbjegava provjeru svoje alkoholisanosti, odnosno otkloni je ili konzumira alkohol tako da onemoguću utvrđivanje svoje alkoholisanosti u trenutku nastanka saobraćajne nezgode.
- Smatra se da je vozač pod uticajem droga, psihoaktivnih lijekova ili drugih psihoaktivnih materija:
- e) ako se sa stručnim pregledom utvrdi da pokazuje znake neuobičajenog ponašanja, što izaziva nesigurnost njegovog učešća u saobraćaju zbog uzimanja droga, psihoaktivnih lijekova ili drugih psihoaktivnih materija,
 - f) ako nakon saobraćajne nezgode izbjegne ili odbije da se podvrgne ispitivanju za utvrđivanje prisustva droga, psihoaktivnih lijekova ili drugih psihoaktivnih materija, odnosno uzima pomenute supstance da bi onemogućio utvrđivanje njihovog prisustva u organizmu u momentu nastanka saobraćajne nezgode;
- 5). ako je vozač štetu prouzrokovao namjerno;
 - 6). ako vozilo, kojim je vozač upravljao, nije u ispravnom tehničkom stanju;
Smatra se, da vozilo nije u ispravnom tehničkom stanju, ako nije prošlo valjan tehnički pregled.
 - 7). ako vozač napusti mjesto nezgode prije davanja svojih ličnih podataka i podataka o svom osiguranju;
- (2). Osiguranik i saosigurana lica ne gube svoje pravo po odredbama prethodnog stava ovog člana, ako dokaže:
- a) da nije kriv za nastajanje okolnosti iz tačke 2), 6) i 7) stava(1)ovog člana;
 - b) da nastanak osiguranog slučaja nije u uzročnoj vezi sa njegovom alkoholisanošću ili konzumiranjem droga, psihoaktivnih lijekova i drugih psihoaktivnih materija.
- (3). Svoja prava iz ovog osiguranja ne gubi ono saosigurano lice koje nije znalo i nije moglo znati za okolnosti zbog kojih vozač osiguranog motornog vozila gubi pravo osiguranja po stavu (1) ovog člana.

7. Član-OBAVEZE OSIGURANIKA

- (1). Osiguranik je dužan:
 - 1). obavijestiti osiguravača odmah, u potpunosti i istinito o nastupanju osiguranog slučaja, o postupcima državnih organa prema osiguraniku, i predati mu svu dokumentaciju koju posjeduje;
 - 2). omogućiti osiguravaču da vansudski pokuša ostvariti osiguranikove odštetne zahtjeve;
 - 3). dostavi osiguravaču podatak o imenu advokata, odmah kada ga odabere, ako ga u skladu sa ovim uslovima nije odabrao osiguravač;
 - 4). prije plaćanja, dostaviti osiguravaču na uvid i kontrolu, sve račune zastupanja ili ostvarivanja odštetnih zahtjeva, izuzev ako o njima ne odluči sud ili upravni organ;
 - 5). učiniti sve da se troškovi nepotrebno ne povećavaju, posebno nepotrebним odugovlačenjem sudskih ili upravnih postupaka te zahtijevati povraćaj troškova ukoliko su isti dosuđeni;
 - 6). prije sudskog parničnog ili krivičnog postupka, a posebno prije pobijanja sudske odluke ili zaključenja poravnjanja, konsultovati osiguravača radi njegovog mišljenja o mogućnosti za uspjeh. Ako osiguranik ne poštuje mišljenje osiguravača i po okončanom postupku se utvrdi da je mišljenje osiguravača bilo pravilno, osiguravač može odbiti isplatu naknade iz osiguranja odnosno njenu isplatu smanjiti s obzirom na pravilnost mišljenja i ishod samog postupka; mišljenje osiguravača je za osiguranika obavezno.
- (2). Ako osiguranik povrijedi neku od obaveza iz prethodnog stava, dužan je osiguravaču naknaditi eventualno nastalu štetu, prouzrokovanu kršenjem obaveza iz prethodnog stava.

8. Član- OBAVEZE OSIGURAVAČA

- (1). Osiguravač pokriva sve neophodne troškove postupka koji nastaju ostvarivanjem osiguranikovih pravnih interesa, od trenutka nastanka štete.
- (2). Troškovi koji su nastali prije prijave osiguranog slučaja su pokriveni samo ako su nastali zbog dijela suprotne stranke, odluke suda ili sudije za prekršaje ili zbog djela osiguranika ako su ista bila neodložna za zaštitu njegovih interesa, ali nisu nastali više od 14 dana prije prijave osiguranog slučaja, osim ako ga osiguranik iz objektivnih razloga nije mogao prijaviti.
- (3). Neophodnim se smatraju troškovi koji nastaju prilikom ostvarivanja onih osiguranikovih pravnih interesa kod kojih postoji visoka vjerojatnoća za uspjeh. Provjeravanje takve vjerojatnoće nije neophodno za troškove odbrane u krivičnom postupku.
- (4). Osiguravajuće pokriće obuhvata vansudsku zaštitu pravnih interesa, koju može pružiti osiguravač sam ili njegov ovlašćeni advokat, kao i zastupanje istih pred sudovima i upravnim organima na svim stepenima.
- (5). Osiguravač pokriva:
 - 1). troškove advokata u skladu sa advokatskom tarifom koja važi u mjestu gdje advokat ili njegov zamjenik imaju sjedište;
 - 2). troškove sudskog ili upravnog postupka koje mora snositi osiguranik i to: sudske odnosno upravne takse i troškove vještaka, prevodioca i svjedoka. Nisu pokriveni troškovi izvršenja u krivičnom i upravno-kaznenom postupku;
 - 3). u parničnom postupku radi plaćanja naknade štete takođe i troškove suprotne strane, ako ih mora snositi osiguranik. Pod istim uslovima osiguravač pokriva i troškove protivne strane u krivičnom odnosno prekršajnom postupku ukoliko isti nastupa kao supsidijarni tužilac odnosno kao oštećenik.
- (6). Kada se parnični postupak okonča poravnanjem osiguravač je dužan platiti samo one troškove koji odgovaraju odnosu dobijenog i izgubljenog dijela naknade, izuzev ako je osiguravač odobrio poravnanje.

- (7). U izvršnom postupku na osnovu izvršne sudske odluke ili poravnania, osiguravač pri ostvarivanju osiguranikovih odštetnih zahtjeva pokriva troškove najviše tri pokušaja izvršenja; ne pokriva troškove koje bi osiguranik u svakom slučaju morao isplatiti protivnoj strani.
- (8). Kada osiguranik mora u inostranstvu platiti kauciju da bi privremeno izbjegao krivično gonjenje, umjesto njega je zalaže osiguravač. Osiguranik je mora osiguravaču vratiti u roku od šest mjeseci od dana njenog plaćanja u eurima u protivvrijednosti plaćene strane valute po srednjem bankarskom kursu važećem na dan vraćanja.
- (9). Zahtjevima iz ovog osiguranja raspolaže samo osiguranik i saosigurana lica, dok ostala lica prema osiguravaču ne mogu imati direktnih zahtjeva. Direktni zahtjev prema osiguravaču ima samo advokat kojeg je za zastupanje pravnih interesa osiguranika ovlastio osiguravač.
- (10). Osiguravač mora najkasnije u roku od 14 dana nakon podnošenja zahtjeva i kompletiranja potrebne dokumentacije za odlučivanje o opravdanosti zahtjeva, pismeno obavjestiti osiguranika da je osigurani slučaj pokriven ili zahtjev, uz obrazloženje, odbiti.

9. Član- POSTUPAK PO PRIGOVORU

- (1). Protiv ponude osiguravača za poravnanje ili odbijanja odštetnog zahtjeva je dozvoljeno podnošenje pismenog prigovora komisiji za prigovore osiguravača u roku od 14 dana od dana prijema obavještenja.

10. Član- PODRUČJE VAŽENJA OSIGURANJA

- (1). Osiguranje važi na području Evrope, ako u ugovoru o osiguranju nije drugačije određeno.

11. Član- POČETAK I KRAJ OSIGURAVAJUĆEG POKRIĆA

- (1). Obaveza osiguravača iz ugovora o osiguranju počinje istekom 24. sata dana koji je u polisi naveden kao početak osiguranja, ako nije drugačije ugovoreno i ako je do tog dana plaćena premija, odnosno po isteku 24. sata dana kada je premija plaćena.
- (2). Obaveza osiguravača prestaje nakon isteka 24. sata dana koji je u polisi naveden kao dan isteka osiguranja.
- (3). Ako se tokom trajanja osiguranja promijeni vlasnik vozila, obaveza osiguravača prestaje u 24. satu dana kada novi vlasnik zaključi ugovor o osiguranju za to vozilo. Obaveza osiguravača prestaje prije ako je prije tog vremena već počeo da djeluje novi ugovor o osiguranju.

12. Član- PLAĆANJE PREMIJE

- (1). Prvu ratu premije ili ukupnu premiju osiguranja ugovarač osiguranja je dužan platiti prilikom zaključivanja ugovora o osiguranju, ukoliko nije drugačije ugovoreno.
- (2). Ako je ugovoreno da se premija plaća na rate, može se obračunati redovna kamata od iznosa premije, za koju je dogovoreno odlaganje plaćanja. Ako premija na rate nije plaćena do dana dospijevanja, može se obračunati i zatezna kamata.

13. Član-POSLEDICE NEPLAĆANJA PREMIJE

- (1). Ako ugovarač osiguranja premiju koja je dospjela ne plati do ugovorenog roka, niti to učini koje drugo zainteresovano lice, ugovor o osiguranju prestaje da važi po isteku 30 dana od dana kada je ugovaraču osiguranja uručeno preporučeno pismo osiguravača sa obavještenjem o dospelosti premije, s tim da taj rok ne može isteći prije nego što protekne 30 dana od dospelosti premije. U svakom slučaju ugovor o osiguranju prestaje da važi ako premija osiguranja ne bude plaćena u roku od godine dana od dospelosti.

14. Član- POVRAĆAJ PREMIJE

- (1). U slučaju prestanka osiguranja zbog uništenja, odjave vozila iz saobraćaja ili otuđenja vozila, osiguravač je na zahtjev osiguranika dužan vratiti premiju za preostalo vrijeme trajanja osiguranja od dana prijema zahtjeva za povraćaj premije, ako do tada nije došlo do osiguranog slučaja.

15. Član- PRESTANAK OSIGURANJA

- (1). Ukoliko je osigurano vozilo uništeno, osiguranje prestaje sa momentom uništenja za sve dalje slučajeve.
- (2). Osiguranje prestaje i kad je osigurano vozilo otuđeno, objavljeno kod nadležnog organa ili je izmijenjena njegova namjena i to u 24. satu onog dana kad novi korisnik odnosno vlasnik preuzme vozilo odnosno kad je sprovedena odjava ili promjena namjene osiguranog vozila.
- (3). Pri prenosu vlasništva na bračnog druga (vanbračnog partnera) odnosno pri nasljedstvu, odnos iz osiguranja se ne mijenja već prelazi na pravnog sljedbenika.
- (4). Kad osiguranje prestaje po odredbama stava 1. i 2. ovog člana, osiguravač je dužan na zahtjev osiguranika da vrati premiju za preostalo trajanje osiguranja, ako do tada nije došlo do osiguranog slučaja.

16. Član- IZBOR ADVOKATA

- (1). Osiguranik ima pravo izabrati advokata i ovlasti ga za zaštitu svojih pravnih interesa, u skladu sa ovim uslovima uz saglasnost osiguravača.
- (2). Ako osiguranik ne može izabrati advokata, a angažovanje istog je za interese osiguranika neophodno, učiniće to osiguravač, a ovlastiće ga osiguranik.
- (3). Osiguranik ima pravo izabrati advokata koji ima sjedište u mjestu čiji je sud odnosno prekršajni organ nadležan za sprovođenje postupka u prvom stepenu. Ukoliko je u tom mjestu samo jedan advokat ili nema sjedište niti jedan advokat, može izabrati advokata bilo gdje, ali do udaljenosti najviše od 100 km vazdušne linije od sjedišta nadležnog suda odnosno prekršajnog organa.
- (4). Ako pri ostvarivanju zahtjeva za naknadu štete, kao suprotna strana iz istog štetnog događaja nastupi lice koje je osigurano kod istog osiguravača, osiguravač je dužan obavijestiti osiguranika. U tom slučaju mora osiguravač na njegov zahtjev, zaštitu njegovih pravnih interesa odmah prepustiti advokatu, nezavisno od odredbi člana 7. stav 1.tačka 2.ovih uslova.
- (5). Advokat za svoj rad odgovara osiguraniku. Osiguravač za rad advokata ne preuzima nikakve odgovornosti.

17. Član- PRELAZAK ZAHTJEVA NA OSIGURAVAČA (SUBROGACIJA)

- (1). Zahtjevi osiguranika za plaćanje troškova, koje mu je u skladu sa ovim uslovima, platio osiguravač, prelaze na njega (subrogacija). Ako osiguranik od neke druge osobe na osnovu nekog drugog pravnog osnova povрати troškove koje je platio i osiguravač, dužan je o tome odmah obavijestiti osiguravača i vratiti uplaćeni iznos, u roku od 30 dana od dana prijema isplate. Od tog dana je dužan plaćati osiguravaču i zatezne kamate na plaćeni iznos i to u eurima. Ako je, međutim, osiguravač platio troškove u stranoj valuti, osiguranik ih je dužan vratiti u eurima u protivvrijednosti po srednjem bankarskom kursu na dan povraćaja.
- (2). Osiguranik je dužan osiguravaču radi naplate troškova od trećih lica, na zahtjev osiguravača, predati izjavu o ustupanju i svu potrebnu dokumentaciju, kao i pružiti sve informacije i potrebnu pomoć.

18. Član-PISANI OBLIK

- (1). Dogovori koji se odnose na sadržaj ugovora o osiguranju su važeći samo ako su zaključeni u pisanom obliku.
- (2). Sva obavještenja i izjave koje se daju po odredbama osiguravajućeg ugovora, moraju biti date u pisanom obliku.

19. Član- NADLEŽNOST U SLUČAJU SPORA

- (1). U slučaju spora između osiguravača i osiguranika je nadležan sud po sjedištu osiguravača.

20. Član- UPOTREBA ZAKONA

- (1). Za odnose koji nisu uređeni ovim uslovima, važe odredbe Zakona o obligacionim odnosima.